

# Proxecto Club de lectura, 2016-2017

(máximo 3 páxinas)

## Puntos a desenvolver

### Nome do Club de Lectura

RETELLADORES/AS DO GALIÑEIRO

### Breve historia

O club de lectura, 'RETELLADORES/AS DO GALIÑEIRO' do IES ANTÓN LOSADA DIÉ-GUEZ de A Estrada, comezou hai cinco anos e continuou sen interrupción a súa actividade ata o día de hoxe. Forma parte, por tanto, das actividades ofertadas polo centro e consolidadas co paso dos anos, debido á boa acollida que ten por parte do alumnado.

### Finalidades.

- Fomentar o hábito lector como una actividade lúdica e formativa.
- Desenvolver a competencia lectora e a expresión escrita.
- Favorecer a integración do alumnado.
- Crear un ámbito de convivencia e diálogo que axude ao desenvolvemento da autonomía persoal e das competencias sociais.
- Fomentar a lectura comprensiva, analítica e crítica.
- Aprender a sintetizar as ideas principais.
- Mellorar a expresión oral.
- Aprender a escoitar aos demais e a respectar a súa opinión.
- Servir de canle de comunicación entre a Biblioteca e o resto da comunidade educativa.
- Participar activamente e/ou organizar actividades de animacións á lectura.
- Compartir o lido con persoas de distintos cursos, distintas idades, diversas sensibilidades estéticas e vitais, etc.

### Actividades previstas.

- Convocatoria, a comezo do curso, dun concurso de carteis (slogan e unha imaxe) sobre o fomento da lectura. Utilizar o cartel premiado para dar a coñecer o club de lectura.
- Facer reunións periódicas para comentar as lecturas.
- Utilizar o blogue <https://lernolosada.wordpress.com/> para difundir as actividades e as lecturas que se realicen ao longo do curso.
- Saídas culturais: bibliotecas, salón do libro, rutas literarias, presentación de libros... Sempre en función das posibilidades do club e do desenvolvemento do curso.
- Visita de escritores/as, ilustradores/as, conta-contos, etc

- Participación en actividades de animación á lectura, contacontos, obradoiros, xornadas, representacións teatrais, etc.
- Colaboración con outros clubs e institucións, como o concello da Estrada.

### Composición e número de participantes aproximado. Implicación doutro profesorado do centro.

Clubs	Grupos de lectura	Nº de participantes
Club do alumnado	de 1º a 3º de ESO e FP Básica	12 alumnos/as
	4º ESO, Bacharelato (1º,2º) e ciclos formativos	10 alumnos/as
Club de profesores/as, PAS....	1 grupo	10 participantes

### Forma de organización e funcionamento.

O club conta cunha coordinadora e con dous profesores/as que se encargarán de supervisar o funcionamento, da dinamización das sesións, da xestión do blogue e planificación das actividades. Este núcleo do club contará coa colaboración doutros profesores/as e do alumnado para a realización interna e externa do club, deseño e edición de material, actividades, saídas culturais.

O profesorado, escoitado o alumnado, propondrá lecturas comúns dunha mesma obra, sempre en lingua galega, estando obrigados todos os membros a seguir as orientacións acordadas.

Para pertencer ao club, o alumnado debe contar coa autorización dos pais/nais, participar na reunión mensual, ler un mínimo de dunha obra por mes e participar nas actividades do club.

Nas reunións e en todas as actividades do club rexerá o Regulamento de Réxime Interno do IES.

**O club do alumnado** dividirase en dous grupos: un de lectores/as novos/as, (1º-3º ESO e FP Básica) e outro de lectores/as maiores (4º ESO, Bacharelato e Ciclos) Segundo a súa habilidade e madurez lectoras o alumnado pode cambiar de grupo, aínda que non lle corresponda por curso.

Os grupos reuniranse o último martes de cada mes, ao igual que ocorreu o curso pasado. A razón é que ese día o centro ten clase pola tarde e aproveitamos que os alumnos/as quedan a comer no IES para facer a reunión de 15:00 a 16:00 horas. Un grupo reunirse na biblioteca e outro na sala de profesores/as. As reunións estarán dirixidas polo profesorado coordinador que apoiará a reunión mensual con material preparado previamente.

As lecturas serán en lingua galega e sempre distintas das que realizan nas diferentes materias do currículo e o alumnado participará na súa elección.

A biblioteca intentará contar cos fondos necesarios para o correcto funcionamento do club.

**O club do profesorado e PAS**, ao ser o primeiro curso que funciona, reunirse este curso ( en principio) soamente unha vez por trimestre, para ir pouco a pouco sentando

unhas bases sólidas e coa intención de ir integrando a máis profesorado e facer lecturas con máis frecuencia.

Os libros serán seleccionados polo profesorado integrante no club e as reunións serán convocadas e coordinadas pola profesora coordinadora

### Horario e calendario previsto para as reunións de carácter presencial.

Clubs	Grupos de lectura	Día e hora de reunións
Alumnado	de 1º a 3º de ESO e FP Básica e 4º ESO, Bacharelato (1º,2º) e ciclos formativos	25 de outubro de 15 a 16 horas
		29 de novembro de 15 a 16 horas
		20 de decembro de 15 a 16 horas
		31 de xaneiro de 15 a 16 horas
		21 de febreiro de 15 a 16 horas
		28 de marzo de 15 a 16 horas
		25 de abril de 15 a 16 horas
		30 de maio de 15 a 16 horas
Profesorado, PAS....		en decembro
		en marzo
		en maio

### Medios previstos para a súa difusión entre a comunidade escolar.

Para a súa difusión utilizaranse:

- carteis
- o blogue da biblioteca <https://lernolosada.wordpress.com/>
- Información nas aulas
- Correo electrónicos

A persoa responsable da biblioteca é Carmen Diéguez González

As persoas responsables do grupo de 1º a 3º de ESO e FP Básica son Pilar Gato e Xabier Camba Sanmartín

A persoa responsable do grupo de 4º ESO, Bacharelato (1º, 2º) e ciclos formativos é Carmen Diéguez González

A persoa responsable do grupo de profesores/as, PAS. é Carmen Diéguez González

A Estrada, 14 de outubro de 2016

Asdo. Carmen Diéguez González ( coordinadora)